



USAID
ამერიკელი ხალხისგან

პროექტი ზრდა საქართველოში
ZRDA ACTIVITY IN GEORGIA



Chemonics
Development works here.

მოთხოვნა საგრანტო განაცხადზე (RFA)

No. 111-3004-004-S-2020

გამოქვეყნების თარიღი: 3 აგვისტო 2020

განაცხადის წარდგენის ბოლო ვადა: 3 სექტემბერი 2020

ძვირფასო აპლიკანტო,

USAID ზრდა პროექტი საქართველოში (ზრდა პროექტი), რომელსაც ახორციელებს ქემონიკს ინტერნეიშენალი (Chemonics International), საგრანტო კონკურსის ფარგლებში აცხადებს აპლიკაციების მიღებას მხოლოდ შიდა ქართლისა და ქვემო ქართლის რეგიონებში, კერძოდ: კასპის, გორის, ქარელის, ხაშურის, მარნეულის, ბოლნისისა და წალკის მუნიციპალიტეტებში მცხოვრები ტრადიციული რეწვის ოსტატებისათვის. გრანტები გაიცემა და განხორციელდება, როგორც ზრდა პროექტის გრანტების მართვის შიდა პოლიტიკის, ისე USAID-ისა და ამერიკისშეერთებული შტატების სამთავრობო რეგულაციების შესაბამისად.

აპლიკანტებს შეუძლიათ შეკითხვები გამოაგზავნონ წერილობითი სახით ელექტრონულ ფოსტაზე: subawards@zrda.ge; შეკითხვების გამოგზავნის ვადაა **2020 წლის 20 აგვისტო 18:00 სთ.** ზრდა პასუხს გასცემს ყველა რელევანტურ შეკითხვას და გამოაქვეყნებს ზრდას ფეისბუქის გვერდზე ან ვებ-გვერდზე: www.zrda.ge არაუგვიანეს **2020 წლის 26 აგვისტოსი.** გთხოვთ, გაითვალისწინოთ, რომ არ მოხდება კითხვებზე პასუხების ინდივიდუალურად გაგზავნა.

ასევე, დაინტერესებულ აპლიკანტებს საშუალება ექნებათ დასვან კითხვები და მიიღონ მითითებები აპლიკაციის შევსებასთან დაკავშირებით **2020 წლის 24 აგვისტოს, 15:00 სთ-ზე** გამართულ ონლაინ საინფორმაციო შეხვედრაზე, რომელიც გაიმართება აპლიკაცია ზუმის/Zoom მეშვეობით.

აპლიკანტები, რომლებსაც სურთ დაესწრონ ზემოთ ხსენებულ საინფორმაციო შეხვედრას, უნდა დარეგისტრირდნენ ელექტრონულ ფოსტაზე: subawards@zrda.ge; რეგისტრაცია უნდა შეიცავდეს შემდეგი სახის ინფორმაციას: ორგანიზაციის დასახელება და ასევე, იმ პიროვნების სახელი-გვარი და ელ. ფოსტა, ვინც დაესწრება საინფორმაციო შეხვედრას. შეხვედრაზე დასასწრებად აპლიკანტებმა რეგისტრაცია უნდა გაიარონ არაუგვიანეს **2020 წლის 20 აგვისტოსი.** თითოეული ორგანიზაციიდან შეხვედრაზე დასწრება მხოლოდ ერთ პირს შეუძლია.

ზრდა პროექტის თანამშრომლებს არ აქვთ უფლება მოითხოვონ, ხოლო აპლიკანტებს ეკრძალებათ შესთავაზონ მათ ფული, საკომისიო, გასამრჯელო, წილი, საჩუქარი, ფულადი საჩუქარი, ღირებული ნივთი ან კომპენსაცია იმის სანაცვლოდ, რომ დაუმსახურებლად მოიპოვონ ან მიიღონ ხელსაყრელი პირობები აღნიშნულ მოთხოვნასთან დაკავშირებით. პროექტის თანამშრომლისგან ნებისმიერი შეუფერებელი მოთხოვნის შესახებ უნდა ეცნობოს პროექტის ხელმძღვანელს ან გაიგზავნოს შეტყობინება ელექტრონულ ფოსტაზე BusinessConduct@chemonics.com ქვემოთ მოცემულია დოკუმენტების სია, რომელიც წარმოადგენს წინამდებარე მოთხოვნის დანართს და თან უნდა ახლდეს აპლიკანტის მიერ გამოგზავნილ განაცხადს.



USAID
ამერიკელი ხალხისგან

პროექტი ზრდა საქართველოში
ZRDA ACTIVITY IN GEORGIA



Chemonics
Development works here.

დანართების ჩამონათვალი:

დანართი A - განაცხადის ფორმა;

დანართი B1/B2 - მოთხოვნილი სერტიფიკატები;

დანართი C - სამიზნე სოფლების სია (ამ დოკუმენტის გამოგზავნა არ არის საჭირო).

სექცია I. პროგრამის აღწერა

IA. მიზანი

ეს პროგრამა შემუშავდა შიდა ქართლისა და ქვემო ქართლის რეგიონებში მცხოვრები ტრადიციული რეწვის ოსტატების ბიზნეს უნარ-ჩვევების განვითარების მიზნით.

საგრანტო პროგრამა საშუალებას მისცემს შერჩეულ აპლიკანტებს, აქციონ სახელოსნოები ტურისტული დანიშნულების ადგილად, გააუმჯობესონ სამუშაო პირობები, რაც ხელს შეუწყობს სახელოსნოების ინტეგრირებას ტურისტულ მარშრუტებში და ხელნაკეთი ნივთების ბიზნესის მდგრად ეკონომიკურ განვითარებას.

IB. ზრდა პროექტის შესახებ

ზრდა პროექტი არის USAID-ის მიერ დაფინანსებული ხუთწლიანი პროექტი, რომელსაც ახორციელებს Chemonics International. პროექტის მიზანია ცხოვრების დონის ამაღლება სამიზნე თემებში და ადგილობრივი სუბიექტების - მოწყვლადი ოჯახებისა თუ მიკრო, მცირე და საშუალო საწარმოების (MSMEs) კვალიფიკაციის, პროდუქტიულობისა და ქსელების გაძლიერება, რათა მათ შეძლონ წვლილის შეტანა ფართომასშტაბიან ეკონომიკურ წინსვლაში. ზრდა პროექტი ხელს შეუწყობს მიკრო, მცირე და საშუალო საწარმოების (MSMEs) ზრდა-განვითარებას, გაზრდის სოფლის მეურნეობების შემოსავლის გამომუშავების შესაძლებლობებს და წახალისებს მწარმოებლებსა და მყიდველებს შორის საბაზრო კავშირების დამყარებას საბაზრო ეკონომიკის გაძლიერების მიზნით. შედეგად, ზრდა გაზრდის შემოსავლებს როგორც მიკრო, მცირე და საშუალო საწარმოებისთვის, ისე საოჯახო მეურნეობებისთვის, შექმნის სამუშაო ადგილებს და ამაღლებს ცხოვრების დონეს სამიზნე თემებში.

IC. პროგრამის დეტალური აღწერა

ზრდა პროექტი გეგმავს საპილოტე პროგრამის „ოსტატი, როგორც ტურისტული დანიშნულების ადგილი“ დაწერვას, რომელიც ზრდა პროექტის სამიზნე რეგიონებში, კერძოდ შიდა ქართლის და ქვემო ქართლის მუნიციპალიტეტებში მცხოვრებ რამდენიმე ოსტატს უზრუნველყოფს ფინანსური მხარდაჭერით, რაც გულისხმობს სახელოსნოების („ვორკშოპების“) მოწყობას და მარკეტინგული მასალების დამზადებას. პროგრამა ითვალისწინებს ბენეფიციარების შერჩევას, ტექნიკურ დახმარებასა და ბაზარზე ორიენტირებული ხელნაკეთი ნივთების ხაზის შექმნის ხელშეწყობას.

საგრანტო თანხის ფარგლებში ნებადართულია აღჭურვილობის, ხელსაწყოების, პროდუქციის



შესაქმნელი მასალის და/ან პრომო მასალების შესყიდვა. სახელოსნოების კეთილმოსაწყობად და სარემონტო სამუშაოებისათვის შესაძლებელია მოთხოვნილი თანხის მაქსიმუმ 25 %-ის გამოყოფა. აღნიშნულ შემთხვევებში, შესაძლოა ზრდა პროექტმა მხოლოდ სამშენებლო მასალები აანაზღაუროს, ხოლო სარემონტო სამუშაოები და სახელოსნოს მოწყობა არის ბენეფიციარის პასუხისმგებლობა.

ID. ნორმატიული / მარეგულირებელი რეგლამენტები

ზრდა პროექტის გრანტები ეფუძნება აშშ საგარეო საქმეთა შესახებ კანონისა და USAID- ის წინასწარი დირექტივების სისტემას (ADS). ორგანიზაციებმა უნდა შეასრულონ [ADS თავი 303](#), საფუძველზე წარმოდგენილი სახელმძღვანელო, „გრანტები და თანამშრომლობის ხელშეკრულებები არასამთავრობო ორგანიზაციებისთვის“ და დაექვემდებარონ USAID [სტანდარტული დებულებები აშშ არასამთავრობო მიმღებებისთვის](#), ასევე ზრდას გრანტების გაცემის შიდა პროცედურებს.

ADS 303 მიუთითებს დამატებით მარეგულირებელ დოკუმენტს, რომელიც გამოსცა აშშ-ს მთავრობის მენეჯმენტის და ბიუჯეტის განყოფილებამ (OMB) და აშშ საერთაშორისო განვითარების სააგენტომ.

2CFR 200 [ერთიანი ადმინისტრაციული მოთხოვნები, თვითღირებულების პრინციპები, და აუდიტური მოთხოვნები ფედერალური კონტრაქტებისთვის, ქვე-ნაწილი E](#) (აშშ აპლიკანტები მთლიანად ექვემდებარებიან 2 CFR 200)

2 CFR 200 სრული ტექსტში იხილეთ http://www.ecfr.gov/cgi-bin/text-idx?tpl=/ecfrbrowse/Title02/2cfr200_main_02.tpl

ზრდა პროექტმა უნდა უზრუნველყოს, რომ ყველა ორგანიზაციამ, რომელიც იღებს USAID საგრანტო სახსრებს, შეასრულოს ზემოთ მითითებული სახელმძღვანელო, რომელიც ვრცელდება მათი გრანტების პირობებსა და დებულებებზე.

USAID იტოვებს უფლებას ნებისმიერ დროს მთლიანად ან ნაწილობრივ შეწყვიტოს, ზრდა პროექტის უფლებამოსილება გრანტების გაცემის ნაწილში.

ნაწილი II. ინფორმაცია გრანტის გაცემის შესახებ

ბიუჯეტი: აპლიკანტმა უნდა წარმოადგინოს დეტალური ბიუჯეტი მთელი აქტივობისთვის, ტექნიკის შესაძენად და სხვა საჭირო ხარჯებისთვის. ამ პროგრამის ფარგლებში თითოეული გრანტისათვის, ზრდა პროექტის საგრანტო თანხა აქტივობის ბიუჯეტის მთლიანი მოცულობის მაქსიმუმ 90%-ს, მაქსიმუმ 10,000 ლარს შეადგენს. ამ საგრანტო აქტივობის განსახორციელებლად ზრდა პროექტს ჯამში გამოყოფილი აქვს 60,000 ლარი. შესაძლოა ზრდამ დაამტკიცოს პროექტები, რომლებმაც მთლიანი ფინანსური რესურსის გამოყენება მოითხოვოს, თუმცა ზრდა არაა ვალდებული სრულად დახარჯოს აქტივობისთვის გამოყენებული ბიუჯეტი. დამტკიცებული პროექტების ღირებულებასა და რიცხვს თავად ზრდა დაადგენს.

აპლიკანტის ფინანსური კონტრიბუცია: ყველა აპლიკანტი ვალდებულია აანაზღაუროს მთლიანი საგრანტო აქტივობის ბიუჯეტის სულ მცირე 10% მაინც და მხოლოდ ფულადი სახით. ბიუჯეტში ნათლად და დეტალურად უნდა იყოს გაწერილი, რომელი ხარჯი ნაზღაურდება



გრანტით და რომელი აპლიკანტის საკუთარი ფინანსური კონტრიბუციით.

ნაწილი III. კონკურსზე დასაშვებ აპლიკანტთა შერჩევის კრიტერიუმები

- ფიზიკური პირი უნდა იყოს საქართველოს მოქალაქე და შერჩევის შემთხვევაში დარეგისტრირდეს გადასახადის გადამხდელ ფიზიკურ პირად, ინდივიდუალურ მეწარმედ ან სხვა სტატუსის გადამხდელ სუბიექტად;
- კომპანია ან ორგანიზაცია უნდა მოქმედებდეს „უწყვეტობის პრინციპის“ მიხედვით და რეგისტრირებული იყოს საქართველოს კანონმდებლობის შესაბამისად. კერძო, მოგებაზე ორიენტირებული კომპანია 51%-ით ქართულ მფლობელობასა და დაქვემდებარებაში უნდა იმყოფებოდეს;
- უნდა ფლობდნენ მოქმედ სახელოსნოს ზრდა პროექტის სამიზნე თემში (სამიზნე თემების ჩამონათვალი მოცემულია **დანართ C-ში**);
- გრანტის მიღებამდე, აპლიკანტებმა ხელი უნდა მოაწერონ ამ მოთხოვნის თანდართულ მოწმობებს და ზრდა პროექტი განიხილავს მათ წარმოდგენილ აპლიკაციებთან ერთად (თანდართული მოწმობები მოცემულია **დანართ B1/B2-ში**);
- წარმატებული აპლიკანტი იმუშავებს ზრდა პროექტის მარკირების და ბრენდინგის გეგმის შესაბამისად. ზემოხსენებული გეგმა დართული იქნება საგრანტო ხელშეკრულებაზე.

ნაწილი IV – განაცხადის შევსება და წარდგენა

IVA. ინსტრუქციები აპლიკანტებისთვის

აპლიკანტებმა უნდა წარმოადგინონ შევსებული საგრანტო განაცხადი. განაცხადის ფორმა თან ახლავს ამ მოთხოვნას (დანართი A).

განაცხადი ხელმოწერილი უნდა იყოს აპლიკანტის უფლებამოსილი პირის მიერ. აპლიკანტებს, რომელთა განაცხადები სრულადაა შევსებული და აკმაყოფილებს ან აჭარბებს შესაბამისობის შეფასების კრიტერიუმებს, მომდევნო ეტაპების შესახებ ეცნობებათ განაცხადის განხილვის პროცესში.

განაცხადები წარდგენილ უნდა იქნას ქართულ ენაზე და მათი მოცულობა არ უნდა აღემატებოდეს 15 გვერდს.

განაცხადი, თანდართულ დოკუმენტებთან ერთად, წარმოდგენილი უნდა იყოს შემდეგი თანმიმდევრობით:

1. სრულყოფილად შევსებული საგრანტო განაცხადი (ფორმა სრულყოფილად შევსებულად ითვლება, თუ ყველა კითხვაზე ამომწურავი პასუხია გაცემული);
2. ხელმოწერილი სერტიფიკატები;
3. განმცხადებლის პირადობის ან პასპორტის ასლი;
4. ამონაწერი სამეწარმეო რეესტრიდან, კომპანიის შემთხვევაში;



5. მიწის საკუთრების, იჯარის ან ქონების დამადასტურებელი სხვა საბუთები.

განაცხადების წარდგენა/ჩაბარება შესაძლებელია ელექტრონულად შემდეგ ელექტრონულ ფოსტაზე: subawards@zrda.ge და/ან ბეჭდური ფორმით ზრდა პროექტის ოფისებში, შემდეგ მისამართებზე:

- თბილისი, რამიშვილის ქუჩა I ჩიხი, N9, მე-3 სართული, 0179
- გორი, სტალინის ქ. N 27/1
- ქ. მარნეული, რუსთაველის ქ. N 48

განაცხადში აუცილებლად უნდა მიეთითოს მოთხოვნის # 111-3004-004-S-2020. განაცხადები წარდგენილ უნდა იქნას არაუგვიანეს 2020 წლის 3 სექტემბრისა (18:00 სთ). დაგვიანებული ან შეუსაბამო განაცხადები არ განიხილება.

IVB. ხარჯები, რომლებიც არ ანაზღაურდება ზრდა პროექტის მიერ:

ზრდა პროექტის გრანტის ფარგლებში მიღებული სახსრები არ შეიძლება გამოყენებულ იქნას შემდეგი აქტივობებისთვის:

- შრომითი ხარჯები;
- საბრუნავი კაპიტალი;
- ცოცხალი ცხოველები;
- ცერემონიები, წვეულებები და სხვა პირადი სახის ღონისძიებები ან წარმომადგენლობითი ხარჯები;
- მშენებლობა ან ნებისმიერი სახის ინფრასტრუქტურული საქმიანობა. მშენებლობა ასევე მოიცავს სარემონტო სამუშაოებს, რეკონსტრუქციას, გადაკეთებას და აღდგენის ხარჯებს;
- შეზღუდული საქონლის შესყიდვები, როგორცაა: შეზღუდული სასოფლო-სამეურნეო პროდუქტები, ავტომობილები მათ შორის მოტოციკლები, ფარმაცევტული პრეპარატები, სამედიცინო მოწყობილობები, კონტრაცეპტივები, მეორადი აღჭურვილობა; ზრდა პროექტის წინასწარი ნებართვის გარეშე მოპოვებულ, ან აკრძალული საქონელი, აკრძალული საქონელი USAID რეგულაციების თანახმად, მათ შორის და არა მხოლოდ შემდეგი: აბორტის მოწყობილობა და მომსახურებები, ფუფუნების საგნები და სხვა;
- ალკოჰოლური სასმელები;
- იმ საქონლის ან მომსახურებების შესყიდვა, რომელიც იზღუდება ან იკრძალება USAID წყარო / წარმოების ადგილი მოქმედი რეგულაციის შესაბამისად, (ბირმა (მიანმა), კუბა, ირანი, ჩრდილოეთ კორეა, (ჩრდილოეთ) სუდანი და სირია);
- ნებისმიერი შესყიდვა ან საქმიანობა, რომელიც უკვე განხორციელებულია;
- შესყიდვები ან საქმიანობები, რომელთა შესრულება არ ემსახურება ზრდა პროექტის გრანტით განსაზღვრულ მიზნებს;
- გრანტის მიმღების წინა (გრანტის მიღებამდე) ვალდებულებები და/ან ვალები, საურავები და პირგასამტეხლოები;
- შემოწირულობების ფონდების შექმნა.



ნაწილი V. განაცხადის შეფასება

V1. განაცხადის შეფასების კრიტერიუმები

სრულად წარმოდგენილი განაცხადები შეფასდება ცხრილში მოცემული კრიტერიუმების მიხედვით:

#	შეფასების კატეგორია	შეფასება (ქულა)
1	სახელოსნო მდებარეობს ტურისტულ მარშრუტებთან ან კულტურული მემკვიდრეობის ობიექტებთან ახლოს და შესაძლებელია სტუმრებისთვის დამატებითი ტურისტული მომსახურების შეთავაზება (მაგ, კერძებისა და ღვინის დაგემოვნება, ინოვაციური საგანმანათლებლო აქტივობა, ა.შ.)	20
2	ოსტატობის დონე და ხელნაკეთი ნივთების ბაზრის მოთხოვნებთან შესაბამისობა	20
3	განვითარების ხედვა და სტრატეგია	15
4	სახელოსნოში შესაბამისი უსაფრთხოების ნორმების დაცულობა	15
5	სახელოსნოში დასაქმებულია სხვა ადგილობრივი ოსტატები და ახალგაზრდა შეგირდები	15
6	ბიუჯეტის შესაბამისობა საჭიროებებთან და დაგეგმილ აქტივობებთან	15
	ჯამური ქულა	100

ნაწილი VI. ინფორმაცია გრანტის მიღებისა და ადმინისტრირების შესახებ

ყველა გრანტი ექვემდებარება საბოლოო მოლაპარაკებას, დაითვლება და გაიცემა ქართულ ლარში. განაცხადებს თან უნდა ერთვოდეს დეტალური და რეალისტური ბიუჯეტი, როგორც ეს აღწერილია სექცია IV-ში. გრანტის ფარგლებში გაწეული ყველა ხარჯი უნდა იყოს დასაშვები, დათვლადი და გონივრული/მიზანშეწონილი.

წინამდებარე მოთხოვნის გამოქვეყნება და განაცხადის შევსების პროცესში დახმარება არ გულისხმობს ზრდა პროექტის მიერ გრანტის გაცემას ან არ ავალდებულებს მას აპლიკანტების მიერ განაცხადის მომზადებასა და წარდგენაში გაწეული ხარჯების დაფარვას. გარდა ამისა, ზრდა პროექტი უფლებას იტოვებს მიიღოს ან დაიწუნოს ნებისმიერი ან ყველა მიღებული განაცხადი და უფლებამოსილია მოითხოვოს დამატებითი განმარტებები განმცხადებლებისაგან. აპლიკანტებს წერილობით ეცნობებათ მათი განაცხადების თაობაზე მიღებული გადაწყვეტილების შესახებ.